

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U LUKAVCU
Broj: 126-0-Su-23-000211
Lukavac, 15.03.2023. godine

Na osnovu člana 46. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, br. 38/05, 22/06, 63/10, 72/10, 7/13 i 52/14) i člana 34. Zakona o radu („Službene novine Federacije Bosne i Hercegovine“, broj: 26/16 i 89/18), a u vezi sa Odlukom o utvrđivanju broja pripravnika-volontera u pravosudnim institucijama na području Tuzlanskog kantona, broj: 02/1-11-22066/22 od 11.10.2022. godine, koju je donijela Vlada Tuzlanskog kantona na sjednici održanoj dana 11.10.2022. godine, predsjednica Općinskog suda u Lukavcu, raspisuje

JAVNI OGLAS
za prijem pripravnika - volontera u Općinski sud u Lukavcu

I

Raspisuje se oglas za prijem 1 (jednog) diplomiranog pravnik u svojstvu pripravnika – volontera (u daljem tekstu: pripravnik – volonter) za potrebe Općinskog suda u Lukavcu, na period do 2 (dvije) godine, bez zasnivanja radnog odnosa, a radi stručnog osposobljavanja za samostalan rad na poslovima iz svoje struke i sticanja potrebnog radnog iskustva.

II

Pripravnik-volonter ima pravo na naknadu shodno članu 27. stav 1. tačka a) Zakona o plaćama i naknadama državnih službenika, namještenika i drugih lica zaposlenih u organima državne službe Tuzlanskog kantona („Službene novine Tuzlanskog kantona“, broj: 11/22).

Pripravniku - Volonteru pripada i pravo po osnovu osiguranja za slučaj povrede na radu i profesionalnog oboljenja koje osigurava pravosudna institucija kod koje se volonter nalazi na stručnom osposobljavanju, a u skladu sa propisima o penzijskom i invalidskom osiguranju.

Međusobna prava i obaveze između pripravnika - volontera i rukovodioca Općinskog suda u Lukavcu uređuju se ugovorom.

Po završetku stručnog osposobljavanja rukovodilac Općinskog suda u Lukavcu će pripravniku – volonteru izdati potvrdu/uvjerenje o obavljenom stručnom osposobljavanju.

Nakon proteka stručnog osposobljavanja Općinski sud u Lukavcu se ne obavezuje zadržati pripravnika - volontera u stalnom radnom odnosu.

III

Svi kandidati treba da ispunjavaju opće uslove za rad u pravosudnim institucijama i to:

- da je državljanin Bosne i Hercegovine,
- da je stariji od 18 godina,
- da ima opću zdravstvenu sposobnost.

IV

Pored općih uslova, kandidati trebaju da ispunjavaju i poseban uslov i to:

- da je diplomirani pravnik, Visoke stručne spreme - VII stepen ili da ima visoko obrazovanje prvog, drugog ili trećeg ciklusa Bolonjskog sistema studiranja - pravne struke koji je vrednovan sa najmanje 240 ECTS bodova.

V

Uz prijavu je potrebno priložiti, u originalu ili ovjerenj fotografiji sljedeće dokaze:

- diplomu o završenom fakultetu,
- fotokopiju lične karte ili potvrdu o prebivalištu,
- prosjek ocjena završenog studija (uvjerenje od fakulteta),
- dokaz o dužini trajanja nezaposlenosti (uvjerenje nadležne Službe za zapošljavanje),
- dokaz o sudjelovanju jednog ili oba roditelja u odbrambenom ratu (uvjerenje nadležnog organa).

Kandidat koji bude izabran za pripravnika - volontera, uvjerenje o zdravstvenoj sposobnosti mora dostaviti rukovodiocu pravosudne institucije u koju se prima na stručno osposobljavanje, najkasnije do zaključivanja Ugovora o stručnom osposobljavanju.

VI

Odabir kandidata za stručno osposobljavanje vršit će se na osnovu kriterija dužine trajanja nezaposlenosti nakon završenog fakulteta i prosjeka ocjena završenog studija.

U slučaju da kandidati imaju isti broj bodova, prednost imaju članovi porodice šehida, poginulih, umrlih i nestalih branilaca, ratnih vojnih invalida, dobitnika ratnih priznanja i odlikovanja i demobilisanih boraca, u skladu sa odredbama Zakona o dopunskim pravima branilaca i članova njihovih porodica (drugi prečišćeni tekst) („Službene novine Tuzlanskog kantona“, br. 10/20).


VII

Prijave sa navedenom dokumentacijom kojom se dokazuje da kandidat ispunjava opće i posebne uslove dostavljaju se Općinskom sudu u Lukavcu, ul. Skendera Kulenovića bb, 75300 Lukavac, putem pošte ili lično u prijemnoj kancelariji suda, u zatvorenoj koverti, sa naznakom „za Javni oglas za prijem pripravnika – volontera u Općinskom sudu u Lukavcu – ne otvarati“, u roku od 15 dana od dana posljednjeg objavljivanja oglasa.

Javni oglas će biti objavljen u dnevnom listu Večernji list BH d.o.o. Mostar i na web stranici Općinskog suda u Lukavcu.

Nepotpune i neblagovremene prijave neće biti uzete u razmatranje.

O rezultatima Javnog oglasa kandidati će biti pismeno obaviješteni.



PREDSJEDNICA SUDA
Enisa Hankić